

Član 4.

- (1) Budžetski korisnik podnosi Ministarstvu finansija zahtjev za korištenje sredstava tekuće rezerve u kojem navodi:
 - a) razloge i obrazloženje za korištenje sredstava tekuće rezerve,
 - b) potreban iznos sredstava tekuće rezerve i na osnovu čega je iznos izračunat,
 - c) obrazloženje zašto je zahtjev hitan i rashod se nije mogao predvidjeti pri planiranju Budžeta i
 - d) obrazloženje zašto se dodatna sredstva ne mogu uzeti iz planiranih sredstava budžeta budžetskog korisnika.
- (2) Ministarstvo finansija razmatra zahtjev budžetskog korisnika i ukoliko je zahtjev opravdan, priprema prijedlog odluke o odobravanju sredstava iz tekuće rezerve i dostavlja Vladi na donošenje.

Član 5.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-9183-8/26

19. marta 2026. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 51. stav (1) i 54. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 45/25), Vlada Kantona Sarajevo, na 120. sjednici održanoj 19.03.2026. godine, donijela je

**ODLUKU
O USPOSTAVLJANJU I UPRAVLJANJU
GARANCIJSKIM FONDOM**

Član 1.

(Opće odredbe)

Ovom odlukom utvrđuje se uspostavljanje, način finansiranja i upravljanja Garancijskim fondom (u daljnjem tekstu: Fond), iznos i način naplate administrativne takse, način obračuna i naplate provizije i premije rizika za garancije koje izdaje Kanton Sarajevo (u daljnjem tekstu: Kanton), minimalni nivo pokrivenosti garantiranog neotplaćenog duga, kao i druga pitanja koja se odnose na upravljanje sredstvima Fonda, u skladu sa Zakonom o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 45/25 - u daljnjem tekstu: Zakon).

Član 2.

(Gramatička terminologija)

Gramatička terminologija korištenja muškog i ženskog roda za pojmove u ovoj odluci uključuje oba roda.

Član 3.

(Planiranje i održavanje Fonda)

- (1) Fond podrazumijeva sredstva Vlade Kantona Sarajevo (u daljnjem tekstu: Vlada Kantona) koja se koriste za plaćanje obaveza po aktiviranim garancijama Kantona na ime zaduženja na koji se garancija Kantona odnosi.
- (2) Fond predstavlja poseban budžetski fond sa podračunom u okviru Jedinstvenog računa Trezora Kantona koji je namijenjen za plaćanje po aktiviranim garancijama.
- (3) Planiranje finansiranja i održavanja Fonda u nadležnosti je Vlade Kantona, a administrativni poslovi u nadležnosti

Ministarstva finansija Kantona Sarajevo (u daljnjem tekstu: Ministarstvo).

Član 4.

(Uplate sredstava u Fond)

Sredstva Fonda se akumuliraju uplatama administrativnih taksi, provizija i premija rizika, namjenskih novčanih depozita, prihoda od investiranja sredstava Fonda na otvorenom tržištu, sredstava iz budžeta Kantona, sredstava proisteklih iz naplaćenih potraživanja po osnovu aktiviranih garancija, te ostalim uplatama, ako je to potrebno.

Član 5.

(Isplate iz Fonda)

Sredstva iz Fonda isplaćuju se isključivo novčanim odlivima po aktiviranim garancijama, povratom namjenskih novčanih depozita i ne mogu se koristiti u druge svrhe.

Član 6.

(Ukupna vrijednost i struktura Fonda)

- (1) Ukupna vrijednost i struktura Fonda utvrđuju se zakonom o izvršavanju budžeta.
- (2) Minimalni iznos sredstava u Fondu je 10% iznosa garantiranog, a neotplaćenog duga.

Član 7.

(Administrativna taksa)

- (1) Administrativna taksa predstavlja bespovratnu naknadu za fiksne i varijabilne administrativne troškove, koji se generiraju prilikom procesuiranja zahtjeva za odobrenje garancije i iznosi 5.000,00 KM.
- (2) Administrativna taksa se uplaćuje na Jedinstveni račun trezora Kantona u korist Fonda prilikom podnošenja zahtjeva za izdavanje garancije.

Član 8.

(Provizija)

- (1) Provizija za izdavanje garancije predstavlja bespovratnu naknadu i kao preduslov za izdavanje garancije, obračunava se i naplaćuje jednokratno unaprijed, a naplaćuje se sa ciljem osiguranja kontinuiteta sistema izdavanja garancija od strane Kantona.
- (2) Provizija je naplativa u vrijeme izdavanja garancije Kantona. Garancija se može izdati samo ako je unaprijed naplaćena provizija za izdavanje garancije.
- (3) Ako se garancija izdaje u stranoj valuti, provizija se naplaćuje prema srednjem kursu Centralne banke Bosne i Hercegovine važećem na dan zaprimanja zahtjeva za izdavanje garancije.
- (4) Provizija se obračunava u procentu na iznos garancije, a naplaćuje se s ciljem osiguranja kontinuiteta sistema izdavanja garancija Kantona.
- (5) U slučaju odobrenja zahtjeva za izdavanje garancije, iznos provizije će biti umanjen za iznos plaćene administrativne takse iz člana 7. ove odluke.
- (6) Provizija se uplaćuje na Jedinstveni račun trezora Kantona u korist Fonda.

Član 9.

(Premija rizika)

- (1) Premija rizika proporcionalna je nivou rizika po izdatoj garanciji i iskazuje se u procentu od iznosa duga na koji se izdaje garancija. Procenat premije rizika se utvrđuje jednokratno prilikom odobravanja izdavanja garancije, a premija rizika se utvrđuje i naplaćuje godišnje, primjenom utvrđenog procenta na ostatak duga koji garancija pokriva.

- (2) Premija rizika se naplaćuje godišnje i to:
- nakon odobrenja zahtjeva za izdavanje garancije, a prije samog izdavanja garancije,
 - svaku narednu godinu dana, sve do isteka garancije.
- (3) Garancija se može izdati samo ako je unaprijed naplaćena prva godišnja premija rizika garancije.
- (4) Broj naplaćenih premija rizika u periodu važenja garancije treba da odgovara broju godina važenja garancije. Ako je garancija izdata na nepuni broj godina, onda se zadnji procenat premije rizika za nepunu godinu utvrđuje proporcionalno broju dana nepune godine po principu: $(\text{broj preostalih dana} / 365) \times \text{te ranije utvrđeni procenat premije rizika}$.
- (5) Ako se garancija izdaje u stranoj valuti, premija rizika se naplaćuje prema srednjem kursu Centralne banke Bosne i Hercegovine važećem na dan dospijeca uplate.
- (6) Premija se uplaćuje na Jedinstveni račun trezora Kantona u korist Fonda.

Član 10.

(Upravljanje sredstvima)

- (1) Upravljanje sredstvima Fonda vrši se na način da se, uvažavajući principe sigurnosti, likvidnosti i disperzije rizika, maksimizira prihod od investiranja sredstava.
- (2) Sredstva Fonda mogu se investirati samo u sljedeće vrste instrumenata i profila rizika:
- oročene depozite kod Centralne banke Bosne i Hercegovine ili bilo koje komercijalne banke sa kojom Ministarstvo ima uspostavljen redovan poslovni odnos, a koji dospijevaju u roku ne dužem od 12 mjeseci i koji se mogu u svakom trenutku razročiti;
 - vrijednosne papire emitovane od strane Bosne i Hercegovine;
 - vrijednosne papire emitovane od strane Federacije Bosne i Hercegovine;
 - vrijednosne papire emitovane od strane Kantona Sarajevo;
 - vrijednosne papire emitovane od strane vlada država Eurozone koji su prema posljednjem rangiranju koje su izvršili Standard&Poor's ili Fitch-IBCA rangirani sa najmanje A ili koje je izvršio Moody's sa najmanje A2 i
 - vrijednosne papire emitovane od strane vlada država izvan Eurozone koji su prema posljednjem rangiranju koje su izvršili Standard&Poor's ili Fitch-IBCA rangirani sa najmanje AA ili koje je izvršio Moody's sa najmanje Aa3.
- (3) Za potrebe osiguranja likvidnosti, minimalno 25% sredstava Fonda mora biti investirano u finansijske instrumente iz stava (2) tačka a) ovog člana.
- (4) U vrijednosne papire jednog emitenta ili u oročeni depozit kod jedne banke može se investirati najviše do 25% sredstava Fonda.
- (5) Ministarstvo odlučuje o investiranju sredstava Fonda u skladu sa zakonom kojim se reguliše investiranje javnih sredstava i ovom odlukom.

Član 11.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-9183-9/26

19. marta 2026. godine
SarajevoPremijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 14. stav (3) Zakona o izvršavanju Budžeta Kantona Sarajevo za 2026. godinu ("Službene novine Kantona Sarajevo", broj 52/25), Vlada Kantona Sarajevo, na 120. sjednici održanoj 19.03.2026. godine, donijela je

ODLUKU

O UNOSU UPLAĆENIH TRANSFERA BUDŽETSKIH
KORISNIKA U BUDŽET KANTONA SARAJEVO ZA
2026. GODINU

Član 1.

- (1) Odobrava se unos sredstava (Primljeni tekući transferi od općina 732116) u Budžet Kantona Sarajevo za 2026. godinu u iznosu od 190.000 KM koja su Javnoj ustanovi "Srednjoškolski centar Nedžad Ibrišimović" Ilijaš doznačena od Općine Ilijaš na osnovu Sporazuma o sufinansiranju projekta "Rehabilitacija učeničkih radionica za izvođenje praktične nastave".
- (2) Sredstva će se evidentirati kako slijedi:

Razdjel	Glava	Potrošačka jedinica	Naziv budžetskog korisnika
21	03	0032	JU "Srednjoškolski centar Nedžad Ibrišimović" Ilijaš

na ekonomskom kodu:

Ekon. kod	Subanalitika	Funkcija	Opis	Iznos (u KM)
8216	-	092	Rekonstrukcija i investiciono održavanje	190.000

Član 2.

Ministarstvo finansija Kantona Sarajevo evidentirat će i proknjižiti uplaćena sredstva i izvršiti plaćanje po nalogu resornog ministarstva, te pratiti utrošak istih.

Član 3.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-9183-10/26

19. marta 2026. godine
SarajevoPremijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 14. stav (3) Zakona o izvršavanju Budžeta Kantona Sarajevo za 2026. godinu ("Službene novine Kantona Sarajevo", broj 52/25), Vlada Kantona Sarajevo, na 120. sjednici održanoj 19.03.2026. godine, donijela je

ODLUKU

O UNOSU UPLAĆENIH TRANSFERA BUDŽETSKIH
KORISNIKA U BUDŽET KANTONA SARAJEVO ZA
2026. GODINU

Član 1.

- (1) Odobrava se unos sredstava (Primljeni tekući transferi od međunarodnih organizacija 731121) u Budžet Kantona